

PROTESTATIO
SERENISSIMI
&
CELSISSIMI PRINCIPIS
Caroli Ludovici,
Comitis Palatini ad Rhenum, Sacri
Romani Imperii Archidapiferi &
Electoris, Ducis Bavariae, &c.



Impressum LONDINI,

MDCCXXXVII.

PROTESTANT
MISSIONS

OF THE
SOUTHERN METHODIST CHURCH

OF THE
SOUTHERN METHODIST CHURCH





LIBELLVS PROTESTATIONIS

Contra

Omnes illegitimos & injustos actus &
processus, in sui, suorumque fratrum &
Agnatorum injuriam & præjudicium, institutos.

In specie, contra

Clandestinas & nullas dispositiones Cæsareas
de translatione sui Electoratûs & ditionum.


Tum, contra

Anormem Regis Romani Electionem, se &
Electore Trevirensi exclusis & non vocatis, factam.

Denique, contra

Violentam & injustam usurpationem & spoliationem Ducis
Bavariæ, Electoralem Archidapiferi titulum, munus,
votum, & sessionem de facto detinentis.






*Protestatio, cum maximè dilucida est & expressa, jus
Protestantis salvum præstat : ut necessaria est, sic
nulli injuriam facit.* Leg. si debitor. 4. §. 1. D. Quibus modis pignus,
& ibi Bartol. l. 1. & si quis 14. §. Sed interdum, 7. D. de Religioso & sumptibus.

Simson, cum uxor ipsius à Philistæis alii
esset data, protestatur, dicens,

Judic. cap. 15. vers. 3.

*Insons fuero hac vice a Philistæis, quum ego
affecero eos malo.*



(I)

N O S

Carolus Ludovicus

Dei Gratia

Comes Palatinus Rheni, Sacri

Romani Imperii Archidapifer, &

Electoꝛ, Dux Bavariae, &c.

Universis, ac singulis salutem.



Bique gentium, non solum in Imperio Romano, sed etiam per totam Europam cognitum & compertum est, tam experientia, quam ex actis & publicis scriptis, quid per hos diuturnos motus in occupatione, direptione, scissione, cessione, venditione & translatione, cum ditiorum nostrarum Palatinicarum, tum connexi his muneris & dignitatis actum & peractum sit: quod omne merito ad animum revocamus justam causam conquerendi, contradicendi & protestandi habentes.

B 2

Impri-

Imprimis verò summo nos dolore afficit, & in maximam nostram, nostrorumque fratrum & Agnatorum injuriam ac præjudicium vergit. *Primò*, quòd in nuperâ prætensâ Pacificatione Pragensi nobis minoribus, insciis, non citatis, & indefensis, inter alia conventum sit, dispositiones, quas Cæsarea Majestas de translatione nostri Electoratûs & ditionum in Ducem Baviaræ & lineam Gulielmianam factâ, dicitur condidisse, ratas manere debere: quòdque illæ, de quibus tamen nihil hætenus auditum fuit, neque adhuc in vulgus cognitæ sunt, utpote clam pactæ, contra nos allegentur, prætexendo eas *per pacificationem istam; & consequenter ab universis Imperii Ordinibus comprobatas esse*, sicut ex ultimo Cæsareo responso Oratori Britannico Comiti Arondelio Ratisbonæ nuperrimè dato, apparet; quo facto nobis, nostrisque fratribus & Agnatis planè Innocentibus, jus ex primævâ & simultaneâ Investiturâ, ex pacto & providentiâ majorum quæsitum inauditâ causâ aufertur, & ex nostrâ stirpe in aliam, contra jura, leges, sanctiones pragmaticas & consuetudines in ejusmodi feudis usitatas, contrâque pacta familiæ & privilegia, à Cæsaribus confirmata, transfertur. *Deinde*, quòd ad novissimum

num Conventum Electoralem Ratisbonæ indictum, in quo de electione Regis Romani actum, & *Ferdinandus Austriacus*, Rex Ungariæ, pro tali enunciatus & inauguratus fuit, nos, qui Electoris Palatini jus, vocem, munus & personam, jure sustinemus, non fuerimus secundum Aureæ Bullæ præscriptum, sicut alii Electores vocati : sed per vim istinc exclusi, & injustè præteriti, Duce Bavariæ nostrum locum, sessionem, officium & suffragium de facto & nulliter usurpante & exercente.

Cum verò ista omnia, & singula, per se, & ipso jure sint invalida, nulla & illegitima : memoratæ quidem *dispositiones* & *pacificatio* vel ex eo fundamento, ut cæteras nullitates silentio prætereamus, quòd nobis, nostrisque fratribus & Agnatis in minorenni & pupillari ætate cõstitutis, tum absentibus, non citatis, inauditis & indefensis, sicut diximus, compositæ, & clam pactæ fuerint, adeoque juri communi, Divino & humano, constitutionibusque Imperii fundamentalibus, legibusque feudalibus, ipsis etiam Casareæ Majestatis declarationibus, in conventu Ratisbonæ solemniter in scripto XXIII. Februarii MDCXXIII. Electoribus, & per literas serenissimo Regi Jacobo,

C

eodem

eodem anno, die V. Martii factis, adven-
tur: *Electio* verò ideò, quod & nobis, qui-
bus solis vox, officium, & functio Archi-
dapiferi & Electoris Palatini, in solemnibus
Imperii actibus competit, & Archiepi-
scopo Electore Trevirensi exclusis & re-
pulsis; facta, instituta & peracta sit. Iam
consequens omninò & necesse est, ut pro
conservatione nostri juris, contra ista o-
mnia & singula, quæ hoc modo in nostram,
nostrorumque fratrum & Agnatorum in-
juriam & præjudicium, nobis præteritis,
exclusis, absentibus & inauditis, qualiter-
cunque gesta, rescripta, conclusa & acta
sunt, solemniter protestemur, & exci-
piamus.

Contradicimus itaque, & protestamur in
vigore hujus scripti, omni meliori modo,
sicuti de jure & consuetudine fieri potest &
debet, contra omnia illa & singula, quæ
prædicto, aut alio quocunque modo, in
nostram, nostrorumque fratrum & Agna-
torum injuriam & præjudicium, privatim
vel publicè, clam vel palam acta, gesta, sta-
tuta, ordinata, disposita, promulgata, re-
scripta & facta sunt, aut impofterum no-
bis absentibus, exclusis, præteritis, in-
sciis, & non consentientibus geri, agi, de-
cerni,

cerni, aut fieri de facto præsumuntur ; *speciatim* verò, *contra* prætenfas istas *tum dispositiones & tabulas pacis Pragensis*, *tum* præproperam & illegitimam *Electionem* Regis Romani : *tum maxime*, contra violentam, injustam, & nullam Ducis Bavariae nostrum Electoratum & ditiones, titulum, sessionem, vocem, & munus de facto occupantis & detinentis, *usurpationem & depredationem*.

Ac proinde, reservamus nobis, nostris fratribus & Agnatis, omnia jura, actiones, defensiones, media & remedia, quæ Divinae & humanae leges tali in causâ & casu permittunt & præscribunt, obtestando & edicendo, nos, qui nihil hætenus omisimus, quo voti & juris nostri sine armis, & per æquas condiciones compotes redderemur, excusatos fore apud omnes, si quæcunque mala & incommoda in prosequendo jure, & procurandâ restitutione nostrâ, in qualemcunque pervenerint.

Declaramus præterea, & vocato in testem Divino Numine, asseveramus, Nos, hæc nostrâ *Protestatione*, nihil Cæsareæ Majestatis auctoritati & eminentiæ, quæ apud nos sacrosancta semper est, & erit, nihil alterius cujuscunque existimationi

detractum velle: sed id tantum spectare, ut nostra innocentia, jus & fama facta & tecta conserventur, neve per silentium & omissionem necessariae Protestationis lædantur.

Atq; hanc nostram *Protestationem* coram *Notario & testibus factam*, ut ad omnium notitiam perveniret, & nemo, cuius interesset, ignorationem prætereundere posset, scripto comprehendimus, & typis in lucem evulgari fecimus: authentica verò exempla nostrâ manu, sigillo impresso, subscripta, tum Cæsareæ Majestati, tum Electoribus Imperii, insinuari & tradi curauimus. Actum Hamptoncurii in Angliâ. xxvii. Januarii, Anno cto 16cxxxvii.

